



ՀԱՅԱՍՏԱՆԻ
ԳՈՐԾԱՏՈՒՆԵՐԻ
ՀԱՆՐԱՊԵՏԱԿԱՆ
ՄԻՈՒԹՅՈՒՆ

ՅԳՅՄ

ՔԱՂԱՔԱԿԱՆՈՒԹՅՈՒՆԸ

ԱՇԽԱՏԱՆՔԻ ԱՆՎՏԱՆԳՈՒԹՅԱՆ ԵՎ
ԱՇԽԱՏՈՂՆԵՐԻ ԱՌՈՂՋՈՒԹՅԱՆ
ՊԱՅՊԱՆՈՒԹՅԱՆ ԲՆԱԳԱԿԱՌՈՒՄ





ՀԱՅԱՍՏԱՆԻ
ԳՈՐԾԱՏՈՒՆԵՐԻ
ՀԱՆՐԱՊԵՏԱԿԱՆ
ՄԻՈՒԹՅՈՒՆ

**ՀԱՅԱՍՏԱՆԻ ԳՈՐԾԱՏՈՒՆԵՐԻ ՀԱՆՐԱՊԵՏԱԿԱՆ
ՄԻՈՒԹՅԱՆ ՔԱՂԱՔԱԿԱՆՈՒԹՅՈՒՆԸ
ԱՇԽԱՏԱՆՔԻ ԱՆՎՏԱՆԳՈՒԹՅԱՆ ԵՎ
ԱՇԽԱՏՈՂՆԵՐԻ ԱՌՈՂՋՈՒԹՅԱՆ
ՊԱՀՊԱՆՈՒԹՅԱՆ (ԱՊ) ԲՆԱԳԱՎԱՌՈՒՄ**

Հաստատված է ՀԳՀՄ Խորհրդի անդամների կողմից 14.04.2021թ



ԲՈՎԱՆԴԱԿՈՒԹՅՈՒՆ

- 3 ԱՄՓՈՓ ՆԿԱՐԱԳԻՐ
- 4 ՌԱԶՄԱՎԱՐՈՒԹՅՈՒՆՈՒՄ ՆԵՐԿԱՅԱՑՎԱԾ ՀԻՄՆԱԿԱՆ ԱՊ ՈՒՂՂՈՒԹՅՈՒՆՆԵՐԸ
- 4 ԱՊ ՔԱՂԱՔԱԿԱՆՈՒԹՅԱՆ ԱՌԱՋՆԱՀԵՐԹՈՒԹՅՈՒՆՆԵՐԸ
- 6 ՀԱՄԱԳՈՐԾԱԿՑՈՒԹՅՈՒՆ ԿԱՌԱՎԱՐՈՒԹՅԱՆ ԵՎ ԱՐՀՄԻՈՒԹՅՈՒՆՆԵՐԻ ՀԵՏ
- 6 ՌԱԶՄԱՎԱՐԱԿԱՆ ԳՈՐԾՆԱՌԱԿԱՆ ՆՊԱՏԱԿՆԵՐԻ ՍԱՀՄԱՆՈՒՄ
- 6 ԾԱՀԵՐԻ ՊԱԾՏՊԱՆՈՒԹՅՈՒՆ
- 6 ՏԵՂԵԿԱՏՎՈՒԹՅՈՒՆ, ԿՐԹՈՒԹՅՈՒՆ և ՎԵՐԱՊԱՏՐԱՍՏՈՒՄ
- 7 ԱՊ ՏԵՂԵԿԱՏՎԱԿԱՆ ԱՂԲՅՈՒՐՆԵՐ
- 7 ԱՌԱՋԱՐԿՎՈՂ ԳՈՐԾՈՂՈՒԹՅՈՒՆՆԵՐ
- 8 ՈՒՍՈՒՑՄԱՆ ԾՐԱԳՐԵՐԻ ՄԾԱԿՈՒՄ և ԻՐԱԿԱՆԱՑՈՒՄ
- 8 ՀԳՀՄ-Ն ՈՐՊԵՍ ՎԵՐԱՊԱՏՐԱՍՏՄԱՆ ՀԱՄԱԿԱՐԳԻ ՎԵՐԱՀՍԿՈՂ ՄԵՆԵՋԵՐ
- 8 ԳՈՐԾԱՏՈՒԻ ՊԱՏԱՍԽԱՆԱՏՎՈՒԹՅՈՒՆԸ
- 8 ԳՈՐԾԱՏՈՒՆԵՐԻ ՊԱՐՏԱԿԱՆՈՒԹՅՈՒՆՆԵՐԻ ԽԹԱՆՈՒՄ
- 9 ԱԾԽԱՏՈՂԻ և ԱՐՀՄԻՈՒԹՅԱՆ ՆԵՐԿԱՅԱՑՈՒՑԻՉՆԵՐԻ ՊԱՏԱՍԽԱՆԱՏՎՈՒԹՅՈՒՆԸ
- 10 ԱՆՎՏԱՆԳՈՒԹՅԱՆ ԵՎ ԱՌՈՂՋՈՒԹՅԱՆ ՊԱՀՊԱՆՄԱՆ ՀԱՄԱՏԵՂ ՀԱՆՁՆԱԺՈՂՈՎՆԵՐԻ ՍՏԵՂԾՈՒՄ
- 10 ՖԻՆԱՆՍԱԿԱՆ և ՏԵԽՆԻԿԱԿԱՆ ՌԵՍՈՒՐՍՆԵՐ
- 10 ՔԱՂԱՔԱԿԱՆՈՒԹՅԱՆ ՎԵՐԱՆԱՅՈՒՄ



ՀԳՀՄ Աշխատանքի անվտանգության և աշխատողների առողջության պահպանության OSH, այսուհետև «Աշխատանքի Պաշտպանություն» քաղաքականություն (ԱՊ):

*Հաստատված է ՀԳՀՄ խորհրդի անդամների կողմից
14.04.2021թ*

Հայտնի է, որ մարդիկ պետության ամենաարժեքավոր ռեսուրսն են, և որ հաշմանդամությունն ու սահմանափակ կարողությունները թանկ են արժենում աշխատողի, ձեռնարկության և պետության համար: Պետք է համաձայնել նաև, որ անվտանգ և առողջ աշխատանքային պայմանները նպաստում են բարձր արտադրողականությանը, սոցիալական նպաստների աճին և կայուն զարգացմանը:

ՀԳՀՄ «Աշխատանքի պաշտպանության ոլորտում ռազմավարությունը մշակվել է «Աշխատանքի միջազգային կազմակերպության աջակցությամբ» և «Բելգիայի Ձեռնարկությունների Ֆեդերացիայի» (ԱՊ) հարցերով առաջին խորհրդական Քրիս Դե Մեստերի կողմից մշակված ուղեցույցի հիման վրա:

ԱՄՓՈՓ ՆԿԱՐԱԳԻՐ

Հայաստանի գործատուների հանրապետական միությունը Հայաստանի Հանրապետության կառավարության և Հայաստանի Արհմիությունների կոնֆեդերացիայի հետ հանդիսանում է միակ պաշտոնական գործընկերը 3-կողմ սոցիալական գործընկերության շրջանակում, սոցիալ- տնտեսական բնագավառներում: 2020 թվականի հոկտեմբերի 5-ին ստորագրված հանրապետական կոլեկտիվ հերթական պայմանագրում, գլուխներից մեկը նվիրված է «Աշխատանքի պաշտպանությանը»: ՀԳՀՄ-ն կարևորում է գործատուների մոտ ԱՊ բարելավման անհրաժեշտությունը և այդ ուղղությամբ իրականացրել է մի շարք նախապատրաստական աշխատանքներ, որոնք ներառում են հետևյալ գործառույթները՝

1. ԱՊ ոլորտում թրեյնների խմբի ուսուցանում, որի շնորհիվ շուրջ 10 թրեյներներ գործատուների համար կարող են իրականացնել ԱՊ ոլորտում, ռիսկերի գնահատման և կառավարման համակարգերի մասին գործատուների անձնակազմի ուսուցումներ:
2. Խորհրդատուների և փորձագետների պատրաստված խումբ, ովքեր իրականացնում են գործատուների կազմակերպություններում փորձագիտական գնահատականներ և խորհրդատվություն ԱՊ պայմանների բարելավման ուղղությամբ:
3. Գործատուների կազմակերպություններում ԱՊ կառավարման համակարգերի նախագծում և տեղակայում: Համաձայն «Աշխատանքի Միջազգային Կազմակերպության» OSH- 2001, ISO 45001 և ԳՕՍՏ 12.0.230 -2007 ստանդարտների պահանջների:
4. ԱՊ գրականության հայերեն լեզվով հրապարակումներ (9 գրքեր և 4 ուղեցույցներ): OSH կոմիտեների ձևավորում գործատուների կազմակերպություններում:
5. ՀԳՀՄ-ն Հայաստանի Արհմիությունների Կոնֆեդերացիայի հետ կնքած երկողմանի համաձայնագրի շրջանակներում իրականացնում է ԱՊ ուղղությամբ կոնֆերանսներ և քննարկումներ:
6. ՀԳՀՄ-ն ԱՊ-ն խթանելու համար կազմակերպում է ԱՊ ուղղությամբ քննարկումներ:
7. ԱՊ նկատմամբ գործատուների մոտիվացիան բարձրացնելու նպատակով ՀԳՀՄ-ն իրականացնում է փորձագիտական ուսումնասիրություններ ընկերություններում սոցիալական գործընկերների հետ միասին և ձևավորված հանձնաժողովի միջոցով «Կարգապահ» գործատուներին շնորհում հավաստագրեր 3 սոցիալական գործընկերների համատեղ ստորագրությամբ:



ՀԳՀՄ-ն բաղկացած է 31 տարածքային և ճյուղային միություններից և ՀԳՀՄ անդամների ընդհանուր թիվը կազմում է շուրջ 14000, որոնք պատկանում են տնտեսության առկա բոլոր ճյուղերին և գտնվում են ք. Երևանում և ՀՀ բոլոր մարզերում: ՀԳՀՄ-ն սոցիալական գործընկերության և ԱՊ բնագավառում ուսումնասիրել է տարբեր երկրների լավագույն փորձը ներառյալ՝ Գերմանիա, Լատվիա, Կիպրոս, ՌԴ, Բուլղարիա և այլն:

ՌԱԶՄԱՎԱՐՈՒԹՅՈՒՆՈՒՄ ՆԵՐԿԱՅԱՑՎԱԾ ՀԻՄՆԱԿԱՆ ԱՊ ՈՒՂՂՈՒԹՅՈՒՆՆԵՐԸ

1. ԱՊ քաղաքականությունը և ԱՊ շրջանակի բարելավումը
2. ՀԳՀՄ կարողությունների խթանում ա) օրենքների և նորմատիվ ակտերի էքսպերտիզա բ) սոցիալական երկխոսություն դրա շրջանակում, ԱՊ օրակարգի բարելավում նաև Առողջապահության և Աշխատանքի տեսչության հետ, վերջինիս հետ համագործակցելով աշխատանքային խմբի շրջանակում հաշվետվությունների քննարկում և գործատուների մոտ ԱՊ տեսչական խնդիրների վերաբերյալ տեղեկատվության քննարկում: գ) կրթության նախարարության և կրթական հաստատությունների հետ համագործակցելով OSH մասնագետների վերապատրաստում, OSH դասավանդման մակարդակի բարելավում: դ) ՀԳՀՄ անդամների և գործատուների մոտ ռիսկերի գնահատում և ԱՊ համակարգերի ներդրման խթանում: ե) ԱՊ ոլորտում միջազգային և տեղական փորձի տեղայնացում: զ) Վճարովի և անվճար ծառայությունների մատուցում ՀԳՀՄ կողմից (թրեյնինգներ, խորհրդատվություն, դիագնոստիկա, նշանների տեղադրում, գրականության տրամադրում), է) Սոցիալական երկխոսության խթանում բոլոր մակարդակներում:
3. ՀՀ-ում գործող գործատուների շրջանում ԱՊ կարևորության վերաբերյալ իրազեկում և ԱՊ ուղղությամբ ՀԳՀՄ առաջատար դերակատարի ներկայացում:

ԱՊ ՔԱՂԱՔԱԿԱՆՈՒԹՅԱՆ ԱՌԱՋՆԱՀԵՐԹՈՒԹՅՈՒՆՆԵՐԸ

Հայաստանի գործատուների հանրապետական միությունը պարտավորվում է խթանել աշխատավայրի անվտանգությունն ու ԱՊ մշակույթը՝ ներառյալ այնպիսի մոտեցումներն ու փորձառությունները, որոնք նպաստում են անվտանգ և առողջ աշխատանքային միջավայրի պահպանմանը: Ապագայում մենք հանձն ենք առնում նաև նպաստել աշխատանքի անվտանգության և ԱՊ բոլոր ասպեկտների վերաբերյալ կրթության զարգացմանն ու վերապատրաստմանը, ինչպես նաև աջակցել ազգային քաղաքականության, ծրագրերի և համակարգերի զարգացմանը՝ փորձելով դիմակայել ԱՊ ոլորտում առաջացող նոր մարտահրավերներին:

1. ՀԳՀՄ կողմից ՀՀ-ում ԱՊ գործընթացների առաջնորդում:
2. Օրենսդրական բարեփոխումներ:
3. Երիտասարդների համար կրթություն - աշխատաշուկա շրջանակում, ԱՊ բաղադրիչի խթանում:
4. ԱՊ խթանումը մարզերում և համայնքներում, ՀԳՀՄ կողմից ստեղծվող սոցիալ-տնտեսական հանձնաժողովների շրջանակում:
5. ՀՀ-ում ԱՊ նկատմամբ ստերիոտիպի փոփոխություն, որպեսզի այն ընկալվի ոչ թե որպես վարչական ավելորդություն և բիզնեսի զարգացման պոտենցիալ խոչընդոտ, այլ որպես հավասար պայմանների ապահովման անհրաժեշտ նախապայման:



6. ԱՊ անհրաժեշտ է ներկայացնել որպես գործարար միջավայրի մաս, այն հանդիսանում է բիզնես միջավայրի տարածք, որի շրջանակում ՀԳՀՄ-ն հնարավորություն է ստանում պաշտպանելու իր անդամների շահերը: Հետևաբար ՀԳՀՄ-ն պետք է իրականացնի շահերի պաշտպանություն, ընդգրկուն գործառույթներ և արշավներ:
7. ՀԳՀՄ-ն հանդես գա, որպես «Աշխատանքի պաշտպանության ազգային» ջատագոռ և խթանող, որի առկայության պարագայում հարգվում է անվտանգ և առողջ աշխատանքային միջավայրի իրավունքը բոլոր մակարդակներում: Որտեղ կառավարությունը, գործատուները, աշխատողները ակտիվորեն մասնակցում են անվտանգ և առողջ միջավայրի ապահովմանը՝ սահմանված իրավունքների, պարտականությունների և պատասխանատվությունների համակարգի միջոցով և որտեղ կանխարգելման սկզբունքին տրվում է բարձրագույն գերակայություն:
8. Աշխատաշուկայում ՀԳՀՄ դերի մասնակցության աճի ապահովումը, կայուն աշխատունակության ապահովման նպատակով և դրա համար ԱՊ ոլորտում աշխատողների մոտիվացիայի և վերաբերմունքի բարելավում ի նպաստ գործատուի: Կազմակերպություններում ԱՊ պայմանների բարելավում և աշխատողների առողջության պահպանում: Բարձրացնել արտադրողականությունը, բարելավել աշխատանքային պայմանները և դրանով ստեղծել նախապայմաններ ֆինանսական միջոցների հասանելիություն ընկերության համար, ֆինանսական ինստիտուտներից վարկ և դրամաշնորհներ ներգրավելու համար:
9. Կանխարգելման գործառույթների ուժեղացում, որը ներառում է ԱՊ բնագավառում բոլոր կողմերի ակտիվ մասնակցություն, աշխատանքային միջավայրի բարելավման գործընթացներ: Այդ նպատակով վտանգի աղբյուրների վերացում, այնուհետև վտանգի ազդեցության սահմանափակում անհատական պաշտպանական միջոցների կիրառելիություն: ԱՊ մասնագետների և փորձագետների ընդգրկվածություն, ովքեր պետք է օգնեն գործատուներին և աշխատողներին առողջ և անվտանգ աշխատատեղեր ստեղծելու հարցում, այդ նպատակով տրամադրելով տեխնիկական աջակցություն, գործիքներ և խորհուրդներ շատ գործնական մակարդակում և խորությամբ ըստ բարդ ռիսկային իրավիճակների վերլուծության արդյունքների:

Այս ուղերձը նաև ուղղված է կառավարության բոլոր մակարդակներին և պետական մարմիններին, ովքեր պետք է օրինակելի վարք ցուցաբերեն ներկայացնելու պետական հաստատությունների կողմից վերահսկվող աշխատավայրերը, որոնք նույնպես ցույց են տալիս առողջություն և անվտանգություն իրենց գործունեության մեջ, ինչպես նաև մասնավոր հատվածի գործատուների և աշխատողների շփման մեջ և պետական գնումների ոլորտում:

10. Միկրո և ՓՄՁ բնագավառում ԱՊ համակարգերի բարելավման գործառույթների զարգացում ըստ ՀԳՀՄ աջակցությամբ տրամադրված հատուկ ուղեցույցի, ի նպաստ որակյալ անվտանգ, առողջ և արդար աշխատատեղերի ստեղծման:
11. Սոցիալական գործընկերության խթանում ԱՊ նպատակների հասանելիության համար:

Այսպիսով Հայաստանի գործատուների հանրապետական միությունը կնպաստի ընդհանուր առողջության և բարեկեցության ծրագրերին, ինչպես նաև կաջակցի աշխատավայրում ներդնել աշխատողների անվտանգության ապահովման քաղաքականություններ և համակարգեր, որոնք հիմնված են աշխատավայրում անվտանգության բարձրագույն չափանիշների և առողջապահական լավագույն փորձի վրա՝ համաձայն ISO 45001 միջազգային ստանդարտների, միջազգային կոնվենցիաների պահանջների և roct 12.0.230-2007:



ՀԱՄԱԳՈՐԾԱԿՑՈՒԹՅՈՒՆ ԿԱՌԱՎԱՐՈՒԹՅԱՆ ԵՎ ԱՐՀՄԻՈՒԹՅՈՒՆՆԵՐԻ ՀԵՏ

Ընդունելով, որ անվտանգ և առողջ աշխատանքային միջավայրը, ինչպես նաև անվտանգության մշակույթը չի կարող հաստատվել միայն ՀԳՀՄ գործունեության արդյունքում՝ ՀԳՀՄ-ը ջանքեր կներդնի համագործակցելու ՀՀ կառավարության և արհմիությունների հետ: Այս համագործակցությունը կներառի սոցիալական երկխոսություն՝ քաղաքականություններ ձևավորելու, ծրագրեր մշակելու, համակարգերը վերահսկելու և գնահատելու, ինչպես նաև ԱՄԿ համապատասխան չափորոշիչները վավերացնելու և իրականացնելու համար, ինչպես նաև նպաստելու համապատասխան ազգային օրենսդրության, կանոնակարգերի, կոլեկտիվ պայմանագրերի և աշխատավայրի համար սահմանված քաղաքականությունների իրականացմանը՝ համաձայն աշխատանքի անվտանգության, ԱՊ ու աշխատանքային միջավայրի պահանջների:

ՌԱԶՄԱՎԱՐԱԿԱՆ ԳՈՐԾՆԱՌԱԿԱՆ ՆՊԱՏԱԿՆԵՐԻ ՍԱՀՄԱՆՈՒՄ

Ռազմավարության գլոբալ նպատակներն են հանդիսանում ԱՊ բնագավառում միջնաժամկետ և երկարաժամկետ բարեփոխումները: Գործնառական նպատակները հանդիսանում են ռազմավարական նպատակների ցանկալի արդյունքների հասանելիության ապահովումը: Այդ նպատակով ՀԳՀՄ-ն իր թրեյներների, աշխատակիցների և փորձագետների միջոցով ինչպես նաև սոցիալական գործընկերների ընդգրկվածությամբ և աջակցությամբ կիրականացնի գործողություններ համաձայն մենենջմենտի ոլորտում հայտնի SMART մեթոդաբանության՝ առանձնահատուկ S (SPECIFIC), չափելի M(Measurable), ընդունելի A(Acceptable), իրատեսական R(Realistic) և ժամանակով սահմանափակված T(Timebound): ՀԳՀՄ-ը կաջակցի, որպեսզի տնտեսության տարբեր ճյուղերի գործատուների մոտ նվազեցվեն առավելապես հանդիպող աշխատանքային վնասվածքների տեսակները և հիվանդությունների պատճառ հանդիսացող գործոնների հավանականությունը:

ՇԱՀԵՐԻ ՊԱՇՏՊԱՆՈՒԹՅՈՒՆ

Գիտակցելով, որ այս կարևոր աշխատանքն իրականացնելու համար ՀԳՀՄ-ն կարիք ունի համագործակցել ՀՀ կառավարության և արհմիությունների հետ՝ միությունը շարունակական գործողություններ կձեռնարկի՝ ջատագովելու սոցիալական երկխոսության օրակարգում աշխատանքի անվտանգությունը և աշխատողների առողջության պահպանումը՝ որպես բարձրագույն գերակայություն:

ՏԵՂԵԿԱՏՎՈՒԹՅՈՒՆ, ԿՐԹՈՒԹՅՈՒՆ և ՎԵՐԱՊԱՏՐԱՍՏՈՒՄ

ՀԳՀՄ-ն ընդունում է կրթության, վերապատրաստման և տեղեկատվության փոխանակման կարևորությունը ու, հետևաբար, պարտավորվում է առաջին հերթին տեղեկացնել, կրթել և վերապատրաստել ընկերությունների ղեկավարությանը, ինչպես նաև ապահովել ուղիներ, որոնց միջոցով գիտելիքն ու տեղեկացվածությունը կարող են փոխանցվել հասարակության բոլոր շերտերին:

ՀԳՀՄ-ն կաջակցի անվտանգության բարելավմանն ուղղված տեղեկատվական, կրթական և վերապատրաստման գործողությունների իրականացմանը կամ կնախաձեռնի այդպիսի ծրագրեր:



ԱՊ ՏԵՂԵԿԱՏՎԱԿԱՆ ԱՂԲՅՈՒՐՆԵՐ

- Աշխատանքային պատահարների և հիվանդությունների վերաբերյալ տվյալներ:
- ԱՊ կանոնակարգերի ամենատարածված խախտումները:
- ԱՊ կոմիտեների և աշխատանքային խորհուրդների գործառույթները:
- ԱՊ ծառայությունների առկայությունը և գործունեությունը:
- ԱՊ դասընթացի առկայությունը, մասնակիցների քանակը և տևողությունը:
- Տվյալներ՝ ձեռնարկություններին տրամադրված ստուգման և տեխնիկական օժանդակության միջոցով:
- Տվյալներ և տեղեկություններ ԱՊ- մասնագետներից և ԱՊ ծառայություններից:
- Հարցումների, (ինչպես ընդհանուր, այնպես էլ ըստ ոլորտների) իրականացում՝ ստանալու համար գործատուների և աշխատողների կարծիքները ձեռնարկություններում ԱՊ կազմակերպման և իրականացման կարևոր ասպեկտների վերաբերյալ:
- Այլ աղբյուրներից ստացված տվյալները, ինչպիսիք են վավերացված ուսումնասիրություններն ու հետազոտությունները:
- Այլ երկրներում կատարված ուսումնասիրությունների և հետազոտությունների վերաբերյալ տեղեկատվության միջազգային աղբյուրների օգտագործումը:

ԱՌԱՋԱՐԿՎՈՂ ԳՈՐԾՈՂՈՒԹՅՈՒՆՆԵՐ

- Առկա տվյալների և տվյալների աղբյուրների քարտեզագրում:
- Կատարելագործել ԱՊ տվյալների հավաքագրման և վերլուծության մեխանիզմները:
- Բարձրացնել հուսալիությունը:
- Ստեղծել աշխատանքային պատահարների և հիվանդությունների գրանցման և ծանուցման հստակ մեխանիզմներ ու տրամադրել գործատուներին լավ տեղեկատվություն իրենց պարտականությունների վերաբերյալ:
- Ամրապնդել հավաքագրված ԱՊ տվյալների վերլուծության և հետազոտության ինստիտուցոնիալ կարողությունները:

ՈՒՍՈՒՑՄԱՆ ԾՐԱԳՐԵՐԻ ՄՇԱԿՈՒՄ և ԻՐԱԿԱՆԱՅՈՒՄ

Այս մոտեցումը ներառում է մի շարք դրական կողմեր:

- ԱՊ փորձագետների կամ մասնագետների վերապատրաստում, որոնք հարմարեցված են մասնագիտորեն այս ոլորտում աշխատել ցանկացող անձանց համար:
- Ձեռնարկության մակարդակում որոշակի ԱՊ առաջադրանքներ և պարտականություններ իրականացնելու դասընթացներ:



- Վերստուգողների, աշխատողների և աշխատողների ներկայացուցիչների համար ԱՊ դասընթացներ:
- ԱՊ տեսուչների կարողությունների խթանում:

ՀԳՀՄ-Ն ՈՐՊԵՍ ՎԵՐԱՊԱՏՐԱՍՏՄԱՆ ՀԱՄԱԿԱՐԳԻ ՎԵՐԱՀՍԿՈՂ ՄԵՆԵՋԵՐ

Այս մոտեցումը ներառում է մի շարք դրական կողմեր:

- Վերապատրաստում և քննության բովանդակության վերահսկում:
- Այս պարագայում անհրաժեշտ չէ ունենալ սեփական ուսումնական հաստատություններ, մարդիկ և ռեսուրսներ:
- Ուսումնական կենտրոնների հավատարագրման համակարգ ՀԳՀՄ կողմից:
- Եկամուտներ՝ վերապատրաստման կենտրոնների կողմից վճարված յուրաքանչյուր թեկնածուի վրա հիմնված համակարգի դիմաց:
- Աշխատանքային օրենսգրքի և այլ հարակից օրենքների բարելավում:

ԳՈՐԾԱՏՈՒԻ ՊԱՏԱՍԽԱՆԱՏՎՈՒԹՅՈՒՆԸ

Գործատուից պահանջվում է ապահովել, որպեսզի իր հսկողության տակ գտնվող աշխատավայրը, մեքենաները, սարքավորումները և գործընթացները, ինչպես նաև քիմիական, ֆիզիկական և կենսաբանական նյութերն ու գործոնները լինեն անվտանգ և զերծ ռիսկերից այնքանով, որքանով դա հնարավոր է: Ավելին, անհրաժեշտության դեպքում պետք է տրամադրվեն համարժեք և համապատասխան պաշտպանիչ հագուստ և պաշտպանիչ սարքավորումներ՝ կանխելու դժբախտ պատահարները կամ առողջության վրա բացասական ազդեցությունները: (ԱՄԿ կոնվենցիա 155, հոդված 16)

ԳՈՐԾԱՏՈՒՆԵՐԻ ՊԱՐՏԱԿԱՆՈՒԹՅՈՒՆՆԵՐԻ ԽԹԱՆՈՒՄ

Գործատուն պարտավոր է ապահովել աշխատողների անվտանգությունն ու առողջությունը՝ աշխատանքի հետ կապված յուրաքանչյուր առումով, ներառյալ COVID -19 պայմանավորված առանձնահատուկ պահանջները, նաև հեռավար աշխատանքի պարագայում:

Իր պարտականությունների համատեքստում գործատուն պետք է ձեռնարկի աշխատողների անվտանգության և առողջության պահպանման համար անհրաժեշտ միջոցառումներ, ներառյալ աշխատանքային ռիսկերի կանխարգելումը և տեղեկատվության և ուսուցման տրամադրումը, ինչպես նաև անհրաժեշտ կազմակերպական և միջոցների ապահովումը:

Ռիսկի վրա հիմնված մոտեցում՝ ըստ կանխարգելման սկզբունքների՝

- Ռիսկերից խուսափել:



- Գնահատել այն ռիսկերը, որոնցից հնարավոր չէ խուսափել:
- Վտանգի աղբյուրում ռիսկերի դեմ պայքար:
- Տեխնիկական առաջընթացին հարմարվելը
- Փոխարինել վտանգավորը ոչ վտանգավորով կամ պակաս վտանգավորով:
- ԱՊ ծառայությունների մատուցում:
- Եվ այլն:

ԱՊ ծառայությունները մշակվում և զարգացվում են ՀԳՀՄ անդամների շրջանում նրանց կարիքների գնահատման հիման վրա և առկա պահանջարկով:

Սույն ռազմավարությունը ձևակերպված է տարբեր մակարդակների համար:

- Ազգային (մակրո) մակարդակով՝ ամբողջ հանրապետությունը ընդգրկող քաղաքականությամբ և ծրագրերով:
- Ճյուղային կամ տեղական (մեզո) մակարդակ, որպեսզի ազգային քաղաքականությունը լինի հարմարեցված տարածաշրջանային/տեղական համատեքստին:
- Ձեռնարկության (միկրո) մակարդակով, հաջողված փորձը տարածելու և մարտահրավերները կանխարգելելու համար, ինչպես նաև գործնական տվյալները ազգային մակարդակ հասցնելու նպատակով:

Անվտանգության և ԱՊ միջոցառումների իրականացման ծախսերը հոգում է գործատուն: Աշխատողների կողմից ծախսեր չպետք է լինեն (ԱՄԿ կոնվենցիա 155, հոդված 21):

ԱՃԽԱՏՈՂԻ և ԱՐՀՄԻՈՒԹՅԱՆ ՆԵՐԿԱՅԱՑՈՒՑԻՉՆԵՐԻ ՊԱՏԱՍԽԱՆԱՏՎՈՒԹՅՈՒՆԸ

Արհմիության ներկայացուցիչները աշխատանքային անվտանգության և ԱՊ հարցերում պարտավորվում են համագործակցել գործատուի հետ և իրավունք ունեն ստանալ անհրաժեշտ տեղեկատվություն այն միջոցառումների մասին, որ ձեռնարկում է գործատուն պահպանելու աշխատանքի անտանգությունն աշխատավայրում:

ԱՆՎՏԱՆԳՈՒԹՅԱՆ ԵՎ ԱՌՈՂՋՈՒԹՅԱՆ ՊԱՀՊԱՆՄԱՆ ՀԱՄԱՏԵՂ ՀԱՆՁՆԱԺՈՂՈՎՆԵՐԻ ՍՏԵՂԾՈՒՄ

Գործատուների կազմակերպություններում կարող են ստեղծվել աշխատանքի անվտանգության համատեղ հանձնաժողովներ՝ զարգացնելու, իրականացնելու և գնահատելու այն քաղաքականությունները, ծրագրերն ու մեխանիզմները, որոնք դրված են տվյալ աշխատավայրում՝ նպատակ ունենալով բարելավել անվտանգության պայմանները:



ՖԻՆԱՆՍԱԿԱՆ և ՏԵԽՆԻԿԱԿԱՆ ՌԵՍՈՒՐՍՆԵՐ

ՀԳՀՄ առաջ է մղելու ծրագրերը կառավարությունում և դիմելու է ԱՄԿ-ին կամ այլ դոնոր կազմակերպություններին, որպեսզի ներգրավի ֆինանսական և տեխնիկական ռեսուրսներ աշխատանքի անվտանգության ծրագրերն իրականացնելու համար:

ՔԱՂԱՔԱԿԱՆՈՒԹՅԱՆ ՎԵՐԱՆԱՅՈՒՄ

Քաղաքականությունը կվերանայվի ըստ անհրաժեշտության, բայց նվազագույնը 2 տարին մեկ անգամ:

